



De Huet vom Bill

Musik: Schtärneföifi

Text: Boni Koller

Rhythmus ist triolisch: 
Dm



S'Schiff vo de See - räu - ber fahrt ü - ber s'Meer
Zvor - dersch shtahd de ti - cki Die - go mit sim lan - ge Gwehr A - ber
dä wo be - fieht wo s'Schiff a - ne fahrt Das isch de Kä - ptn Gal - ge - schrick
mit em schwar - ze Bart De gfü - rchig Kä - ptn Gal - ge - schrick dä
fluecht scho sit em Mor - ge Sin Pa - pa - gei fluecht au, dä hät ge -
nau die glii - che Sor - ge Wo isch de Huet, wo isch de Huet, wo
isch de Huet vom Bill De bruucht me un - be - dingt, wäm - mer sin
Refrain
Schatz go sue - che will D'See - räu - ber händ e Rii - se - wuet wo
isch am to - te Bill sin Huet, wo isch am Bill sin Huet, wo isch am
Bill sin Huet, wo isch am to - te Bill sin Huet

De Huet vom Bill

Schtärneföifi

Strophe 2

De Bill, de hät vor langer Ziit mal unwahrscheinlich Schwein gha
Er hät es schpanisches Schiff usgraubt, driissg Meile vor Jamaica
Es heisst, es seg e grossi True mit Gold drin gschtote worde
Die hät de Bill vergrabe und druffabe isch er gschtorbe
Wo das Gold verschteckt isch, isch am Bill sis Gheimnis plibe
Er häts mit letschter Chraft no i sin Räuberhuet ie gschribe
De Bill hät mit sim eigne Bluet in Huet e Charte pinslet
Wie dass me sin Schatz findt uf de Büffelchnoche-Insle

Refrain

D'Seeräuber händ e Riisewuet, wo isch am tote Bill sin Huet
Wo isch am Bill sin Huet, wo isch am Bill sin Huet, wo isch am tote Bill sin Huet

Zwischenteil, D-Dur (gesprochen)

Aber zoberischt ufem Maschte sitzt en chliine Aff
Deet obe isch sin Poschte, well er als Uusguck schafft
De Aff wo gwüssehaft dur s'Fernrohr gafft heisst Max
Zoberischt ufem Maschte isch am Max sin Platz

gesungen: D Dis

Und will er d'Sun - ne schlächt ver - treit, hät er am Bill sin Huet aa-gleit, de
E E A
See - räu-ber Aff Max dä hät de Plan vom Schatz

Strophe 3

Im Weschte vo de Insle isch de Schpiegeleier-Felse
Deet sött me nöd z'nöch hii, well eim suscht d'Schue wie Raclette schmelzed
De Bode isch deet vom Vulkan so heiss wie frische Teer
Me lauft am gschidschte ussenum, mit de Füess im Meer
Dänn chunnt me ine Bucht, und wo die ufhört hät's e Schteilwand
Deet wachst en Schtruuch mit Dorne, und dehinder isch de Gheimgang
Zäh Schritt graduus und dänn nach links, deet isch am Bill sin Schatz
Genauso schtaht's im Huet, aber de Huet, de hät de Max

Refrain

D'Seeräuber händ e Riisewuet, wo isch am tote Bill sin Huet
Wo isch am Bill sin Huet, wo isch am Bill sin Huet, wo isch am tote Bill sin Huet

Strophe 4

Zoberischt ufem Maschte sitzt en chliine Aff
wo als Uusguck bi de Seeräuber schafft
Und ufem Chopf vom chliine Max
isch am Bill sin Huet mit em Plan vom Schatz
De Max schafft gern im Uusguck, das isch gmüetlich, und das liit em
Me gseht de chliini Aff im Maschte obe scho vo wiitem
Ich würd gern öppis tuusche mitem, das wär würllich guet
Ich gäbt am Max en Sunneschirm für am Bill sin Huet

Refrain (2x)

D'Seeräuber händ e Riisewuet, wo isch am tote Bill sin Huet
Wo isch am Bill sin Huet, wo isch am Bill sin Huet, wo isch am tote Bill sin Huet